



ՍՈՒՐԲ ՊԱՏԱՐԱԳ՝ ՄԱՏՈՒՑՎԱԾ ՄԵԾ ԵՂԵՌՆԻ ՆԱՀԱՏԱԿՆԵՐԻ ՀԻՇԱՏԱԿԻՆ ՄԱՅՐ ՏԱՃԱՐՈՒՄ

Ապրիլի 24-ին՝ չորեքշաբթի, ԺԱ. օր Յինանց.—Յիշատակ բիրաւոր ևս-
հատակացն մերոց, որք կատարեցան յընթացս համաշխարհային առաջին
պատերազմի:

Օրվա խորհուրդը Մայր տաճարի սրբազան կամարների տակ էր հավա-
քել հավատացյալների մի հոծ բազմություն, որը ս. պատարագի հոգեպարար
հնչյունների տակ ապրում էր իր նահատակ հայրերի բյուր տառապանքները:

Ժամը 10.30-ին սկսվեց ս. պատարագի արարողությունը: Պատարագիչն
էր արծ. տ. Հակոբ քհն. Հակոբյանը:

Ս. պատարագին ներկա էին նաև Մայր Աթոռի միաբանությունը, պաշ-
տոնությունը և հոգևոր ճեմարանի դասախոսական կազմը:

«Հայր մեր»-ից առաջ քարոզեց Մայր տաճարի լուսարարապետ գեր.
տ. Հայկազուն արքեպ. Աբրահամյանը՝ «Եթէ ոչ հատն ցորենոյ անկեալ լեր-
կիր մեռանիցի, ինքն միայն կայ, ապա եթէ մեռանիցի, բազում արդիւնս առ-
նէ» բնաբանով:

Հավարտ ս. պատարագի Մայր Աթոռի միաբանությունը, պաշտոնեու-
թյունը և հավատացյալների բազմությունը սգահանդես թափորով ուղղվեցին
դէպի ս. Էջմիածնի շրջափակում մեծ Եղեռնի նահատակների հիշատակին
կառուցված հուշարձանը, ուր կատարվեց հոգեհանգիստ:

Օրվա հիշատակի տոնախմբությունը ավարտվեց ներկաների կողմից
խմբովին երգված «Հայր մեր»-ով և գեր. տ. Հայկազուն արքեպիսկոպոսի
«Պահպանիչ»-ով:

